

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100



Daz ir der apfel worden was
 frau Juno vnd frau pallas
 Die wurden ped an fraewden tot
 beschwæret vnd vor scham rot
 Sprachten si parisen zu
 daz dich vns selde traurick tu
 Wie chancst du chrieg schanden
 du moecht wol vns panden
 Ein wenick rechter han getan
 wer solt reich sach lan
 An hirtten aus dem wald
 ganch zu dem vich pald
 Von dem du pist gelauffen her
 vns moecht wol her Jupiter
 Anders han verflichtet
 nu wol du hast gerichtet
 Dir selber ze vngewinn
 der lou der von der minn
 Dir werd tumber wunglich
 den is auf erd vnd trinch
 Vnd leb chumerleichen
 du pist da her gestrichen
 Weistumes vnd gutes par
 nu chet wider vnd var
 Dvnder wig vnd an hort
 du pist ein ganch gewesen dort
 Vnd ein arnes hirtlein
 die pandid muelt du yummer sein
 Die weil du geleben chancst
 seit du der minn lobes ganch
 Vnd ir erfullet hast ir gir
 so wart auch wie si lou dir
 Vnd dien ir auf iru solt
 chvnt silber vnd golt

Wærn die mht also gut
 als minn poy der armitt
 Vnd an weis ler
 is minn schwachet ser
 Wa man mht schöner wig hat
 heb an guten leip rat
 Daz land er auch vil gern
 ganch wider vnd lern
 Daz vich dem verflichten
 du chancst die lewe richten
 Vil anders dann in wol gezem
 daz in got all sein er nem
 Der paris dich gehanzen hab
 tu dich dez hohen namen ab
 Wan er ist dir ein teil ze reich
 dem recht ist alles vngleich
 Die red triben dise zw
 mit paris in zorn do
 Wan si wærn int gehaz
 doch was er harte rufug daz
 Vnd acht dar auf vil chlain
 wan all die gemain
 Die da sazzen vmb den rinch
 die sprachten daz der wunglich
 Vnd der chvnt stact
 den streit gelchanden hact
 An all missewend
 der chrieg nam ein end
 Mit disen dingen vnd allus
 der minn frau Venus
 Wart der sigenust fro
 so was frau Juno
 Vil traurig vnd pallas
 dar vmb daz in panden was